

Nr.
2

ՄԱՍԻՍ, Ռ-ՀԱՅ ՀՐԱՏ. ԱՆԱՆ. ԸՆԿ.

10
ԼԷՅ

ՄԱՍԻՍԻ ԳՐԱԴԱՐԱՆ

«ՄԱՍԻՍ»



ՅՈՎՀ. ԹՈՒՄԱՆԵԱՆ

ՍԱՍՈՒՆՑԻ ԴԱԻԻԹ

Գալֆե

1025

891.99

Թ-95

32401

891-99
10-95

30 MAY 2011

„MASIS“
SOCIETATE ANONIMĂ DE EDITURĂ
CAPITAL SOCIAL LEI 500.000
SEDIUL — BUCUREȘTI — B-dul MARIA No. 8 Etaj II

ՍԱՍՈՒՆՑԻ ԴԱԻԻԹԸ

Ա.

Առիւծ-Մըհերը, զարմով զիւցազուն,
 քառասուն տարի կը տիրէր Սասուն.
 ան կ'իշխէր անեղ ու անոր օրով
 հաւքն ալ չէր անցներ Սասնայ սարերով:
 Սասնայ սարերէն շատ ու շատ հեռու
 կը թնդար անոր հոշակն անարկու,
 կը խօսուէր իր փառքն, արարքն անվեհեր,
 հազար բերան էր՝ մէկ Առիւծ-Մըհեր:

Բ.

Սյապէս անաւոր առիւծի նրման
 Սասնայ սարերը նստած էր իշխան
 քառասուն տարի: Ամբողջ իր կեանքին
 «ախ» մը չէր քաշած ան ամենեւին,
 բայց հիմա, երբ որ եկաւ ծերացաւ,
 այն անվսիս սրտէն ներս սողաց մէկ ցաւ:
 Սկսու մըտածել զիւցազուն ծերը.
 «— Հասեր են կեանքիս աշնան օրերը,
 շուտով սեւ հողին կ'երթամ ես գերի,
 կ'անցնի ծովի պէս փառքը Մըհերի,
 կ'անցնին թէ՛ անուն, թէ՛ սարսափ, թէ՛ ան.
 իմ անտէր ու որբ աշխարհքի վըրայ
 ոտքի կը կանգնին հազար քաջ ու զեւ...
 Ժառանգորդ չունիմ որ մահէս ետեւ

իմ թուրքս կապէ, Մասունը հոգայ...» :
Ու կը մըտածէր ծերունին հսկայ :

Գ

Օր մըն ալ հսկան ղէմքը լնայած
երբ կը մըտածէր, երկինքէն յանկարծ
Հուր-հրրեղէն մը երեւցաւ քաջին,
սուրբերը ամպոտ՝ կանգնեց իր առջին :
— Ողջո՞յն մեծագոր Մասմայ հրսկային .
քու ձայնըդ հասաւ Աստուծոյ գահին,
ու շուտով Ան քեզ զաւակ մը կուտայ :
Բայց լաւ իմանաս, լեռներու արքայ,
ո՛ր օրն որ քեզի ժառանգ տայ Աստուած,
կինդ ու դուն, այն օր, պիտ ըլլաք մեռած :
— Թո՛ղ իր կամքն ըլլայ, ըսաւ Մըհերը,
մենք մահինն ենք միշտ ու մահը մերը .
բայց որ երկրի մէջ յաջորդ ունենանք,
մենք ալ անով միշտ անմահ կը մնանք» :
Հրրեշտակն այստեղ վերացաւ նորէն,
ու այս երջանիկ աւետման օրէն
երբ ինը ամիս, ինը ժամ անցաւ,
Առիւծ Մըհերը զաւակ ունեցաւ :
Դաւիթ անուանեց իր կորիւն տղան,
կանչեց իր եղբայրը՝ Չէնով Օհան,
երկիրն ու որդին շուտ յանձնեց անոր,
և կինը ու ինքն ալ մեռան ճիշտ այն օր :

Դ

Այս դարուն՝ Մըսըր անյաղթ ու հրգօր
Մըսրայ-Մեկիքն էր նստած թագաւոր :
Իսկոյն որ լրսեց թի Մըհերը իր կայ,
կըռիւի եկաւ Աստուծոյ վրայ :



64140-67

Չէնով Օհանը վախէն սարսափած,
թշնամիին դէմ ելաւ գլխաբաց,
աղաչանք ըրաւ, ինկաւ ոտքերը .
— Դո՛ւն եղիր, ըսաւ, մեր գլխուն տէրը,
ու քու շուքիդ տակ քանի որ մենք կանք,
քու ծառադ ըլլանք, քու տուրքըդ միշտ տանք,
միայն մեր երկիր քարուքանդ չ'ընես,
ու բարի սրտով մեզ մըտիկ ընես :
— Չէ՛, ըսաւ Մեկիք, ազգովդ համօրէն
դուն պէտք է անցնիս իմ թուրիս տակէն,
որպէս զի ասկէ վերջ ի՛նչ ալ ընեմ,
ո՛չ մէկ սասունցի թուր չ'առնէ իմ դէմ :
Ու գընաց Օհան, բոլոր բովանդակ
Մասունը՝ բերաւ քաջեց սուրի տակ .
միայն Դաւիթը, ի՛նչ ըրին չ'ըրին,
մօտ չ'եկաւ ոտիս Մեկիքի թուրին :
Եկան քաջեցին՝ բռնի տանելու,
թոթուեց ու ցրուեց մարդիկը հեռու :
Փոքրիկ ճրկոյթը քարի մը զարկաւ,
սպառաժ քարէն կրակ դուրս եկաւ :
— Պէտք է սպաննեմ այս փոքրիկ ծուռը,
ըսաւ Մեկիքը ու քաջեց սուրը :
— Թագաւոր, ըսին, դուն այսքան հզօր,
ամբողջ Մասունն է թուրիդ տակն այսօր,
ի՛նչ կընայ ընել քեզ մէկ երախայ,
թէ յանկարծ ամբողջ իսկ կըրակ դառնայ :
— Դուք գիտէք, ըսաւ Մըսրայ թագաւոր,
բայց եթէ գլխուս փորձանք գայ մէկ օր,
այս օրը վըկայ,
այս տըղէն կուգայ :

Ե

Այս պատահմունքին՝ մեր Դաւիթ հրսկան

մանուկ մըն էր դեռ եօթ-ութ տարեկան .
մանուկ որ կ'ըսեմ , այնքան էր ուժեղ ,
որ իրեն համար նոյնն էր մարդ , մըժեղ :
Քայց հին առած է , իմաստով հրգօր ,
թէ՛ խաչը տէրն է ընող գօրաւոր :
Վա՛յ անտէր որբին աշխարհքի վրայ ,
առիւծի կորիւն՝ թէ նոյն իսկ ըլլայ :
Զէնով Օհանը ունէր մէկ շար կին :
Մէկ-երկու լըոեց , օր մ'ալ իր կարգին
սկսաւ իր մարդուն հետ վիճիլ սապէս .
— Ես մինակ հողի , հազար ցաւի տէր ,
ինչո՞ւ ուրիշին որբն հոս բերեր ես ,
նետեր ես վրաս , պարսպ հացակեր . . .
հողեմ գլուխը . . . գիտնա՛ս գերի չեմ ,
ամէնուն քէյֆին ետեւէն վազեմ . . .
վրոնտէ՛ քովէդ , գործի դիր յարմար ,
երթայ՝ աշխատի թո՛ղ իրեն համար . . . » :
Ու հետն սկսաւ ողբալ ու կոծել ,
իր օրը սրգալ , իր բաղըն անիծել ,
թէ աշխարհքին մէջ իր բաղըն եղաւ մութ ,
թէ տէր մը չ'ունի , ոչ ալ մարդը՝ գութ . . . :
Ու երախային քով գընաց Օհան ,
բերաւ երկաթէ գոյգ մը ոտնաման ,
երկաթէ կոռ մը շալակին դըրաւ ,
ու Սասմայ քաղքին գառնարած ըրաւ :

2

Քրչեց գառները մեր հովիւ հըսկան ,
եղաւ Սասունի սարերն աննման .
— Է՛յ , ջա՛ն սարեր ,
Սասման սարե՛ր . . .
Երբ կանչեց , անոր ձայնէն ահաւոր

դըրորդ-դըմբըրմբոցն ինկաւ սար ու ձոր ,
վայրի գազաններ որջերէն փախան ,
քարէ քար ինկան ու անհետ եղան :
Դաւիթը ինկաւ անոնց ետեւէն ,
որը՛ մէկ սարէն , որը՛ մէկ ձորէն ,
աղուէս , նապաստակ , գայլ , եղնիկ բռնեց ,
հաւաքեց բերաւ , գառներուն խառնեց ,
իրկունը քչեց դէպ Սասմայ քաղաք :
Կաղկանձ ու ոռնո՛ց , աղմո՛ւկ , աղաղա՛կ .
մէյ մըն ալ յանկարծ քաղքըցիք տեսան ,
որ ահա կուգան անհամար գազան :



— Օգնութի՛ւն , փախէ՛ք . . .
Մեծեր ու տղերք

սրտազոզ եղած , թողած գործերնին ,
որը տունն ինկաւ , որը՝ ժամ , խանութ ,
ու ամուր փակեց դուռն ու լուսամուտ :
Դաւիթը մնաց մէջտեղը կանգնած .
« — Վա՛հ , այս մարդիկ ի՛նչ կանուխ են քրնած :
Հէ՛յ ուլատէր , հէ՛յ գառնատէր ,
ելէ՛ք շուտով բացէք դռներ .
ով մէկ ունէր՝ տասն եմ բերեր ,
ով տասն ունէր՝ քսան եմ ըրեր :
Շուտով ելէ՛ք , ելէ՛ք տարէ՛ք ,
ձեր գառն ու ուլը գոմերն ըրէք :
Տեսաւ որ չեն գար և դուռ չեն բանար ,
ինքն ալ փռուեցաւ փողոցը՝ յողնած ,
գլուխը դրաւ քարին ու մնաց :
Մուշ-մուշ քրնացաւ մինչեւ լուսաբաց :
Առտուն՝ իշխաններ ելան միասին ,
Ձէնով Օհանին քով գացին ըսին .
— Ամա՛ն , քեզ մատաղ , ա՛յ Օհան ախպէր ,
մեր գառն ու ուլը թող մընան անտէր ,
միայն սա տղէն դուն ազատէ մեզ ,
ոչ գառ կը ջուկէ , ոչ գալլ ու աղուէս ,
այս քաղքի գլխուն փորձանք կը բերէ ,
գայլանոց կ'ընէ հոս ու կ'սուերէ :

Է

Ելաւ Դաւիթի քով գրնաց Օհանը .
— Հը՛ , Դաւիթ , ըսաւ , ի՛նչպէս է բանը :
— Հօրեղբայր , գործս դժուար չէ այնքան .
այն կարմիր , անպոչ գառները որ կան
խելօք են , բայց այն պոչով գառները
ցրուեցան , փախան ինկան լեռները ,
այնքան վազեցի որ ելաւ հոգիս ,
ալ տրեխ ըսես չը մնաց ոտքիս :
— Դաւիթ ջան , ըսաւ , այդ շատ է դժուար .
եկուր նետ-աղեղ շինեմ քեզ համար ,

նետ-աղեղը ա ո ու գրնա՛ որսա՛ ,
ժուռ եկուր ազատ սարերու վըրայ :
Նետ-աղեղն առաւ Դաւիթ Օհանէն ,
հեռացաւ քաղքէն , քաղքին սանձանէն ,
դարձաւ որսորդ . գնաց կորեկի արտ մը ,
ուր լորին , ծիտին կուտար լաւ ջարդ մը ,
իրիկուան՝ կ'երթար իր հօրը ծանօթ
աղբատ , անորդի ծեր կնկան մը մօտ ,
վիշապի նըման , երկար ահագին
փռուած՝ կը նիրհէր կըրակին կողքին :
Օր մըն ալ , երբ որ իր որսէն դարձաւ ,
պառաւն իրեն դէմ սաստիկ բարկացաւ .
— Վա՛յ Դաւիթ , ըսաւ , մահըս տանի քեզ ,
անանկ հօր տղան կ'ըլլա՛յ քեզի պէս ,
ձեռքէ ու ոտքէ ինկած կին մը խեղճ ,
այդ արան է յոյս այս աշխարհի մէջ :
Ինչո՞ւ ոտքի տակ առնես , տրորես
ու տարուան մը հացս ամբո՞ղջ կտրես :
Եթէ որսորդ ես , նետ-աղեղը ա՛ն ,
Ծրճմակին գլխէն մինչեւ Սեղանսար
քու հայրըդ ձեռքը մէկ աշխարհ ունէր ,
որսերով մէջը լեցուն սար ունէր .
եղնիկ կայ այնտեղ , եղջերու , այծեամ ,
կարո՞ղ ես , երթալ , որսալ ամէն ժամ :
— Ա՛յ պառաւ , ինձի ինչո՞ւ կ'անիծես ,
ես տղայ եմ դեռ , նոր կը լսեմ ես .
ո՛ւրտեղ է հապա մեր որսի սարը . . .
— Գրնա՛ , քեզ կ'ըսէ քու հօրեղբայրը :

Ը

Միւս օրը կանուխ՝ հօրեղբօր շէմքը
կանգնեցաւ Դաւիթ , աղեղը ձեռքը :

— Հօրեղբայր Օհան, ինչո՞ւ չես ըսեր՝
 իմ հայրըս որսի սար ունի եղեր,
 այծեամ կայ այնտեղ, եղջերու, կըխտար-
 ելի՛ր, հօ՛րեղբայր, տա՛ր ինձ որսասար :
 — Վա՛յ, պօռաց Օհան, ըտողը չես դուն,
 ով որ քեզ ըսաւ պսպանծի լեզուն :
 Այն սարը, որդի՛, գընաց մեր ձեռէն,
 այն սարին որսն ալ գընաց այն սարէն,
 ա՛լ չըկան այծեամ, եղջերու, կըխտար :
 Քանի լուսեղէն քու հայրըդ դեռ կար,
 է՛յ կանանչ օրեր, ո՞ւրտեղ էք կորեր,
 ես շատ եմ այնտեղ որսի միս կերեր...
 Քու հայրըդ մեռաւ, Աստուած խրոովեց,
 Մըսրայ թագաւոր զօրքեր ժողովեց,
 եկաւ մեր երկիր քարուքանդ ըրաւ,
 այս սարի որսն ալ թալանեց, տարաւ,
 եղնիկը գընաց, եղջերուն գընաց...
 մեր ճակտի գիրն ալ այսպէս էր գրուած :
 Անցե՛ր է, որդի՛, ա՛լ բանիդ գընա՛,
 Մըսրայ թագաւոր ձայնըդ կ'իմանայ...
 — Մըսրայ թագաւոր ինձ ի՞նչ կ'ընէ որ...
 ես ի՞նչ կը հարցնեմ Մըսրայ թագաւոր...
 Մըսրայ թագաւոր թո՛ղ Մըսրը կենայ,
 ան ի՞նչ գործ ունի մեր հողին վըրայ...
 ելի՛ր, հօրեղբայր, նետ-աղեղըդ ա՛ն,
 կապարճըդ կապէ, երթա՛նք որսասար :
 Ելաւ Օհանը ճարը կըտըրուա՛ծ,
 ու գաշին տեսան՝ ալ ի՞նչ որսասար,
 անտառը շարդուած, պարիսպն աւերուած,
 բուրգերն ալ եղած գետնի հաւասար... :

թ.

Գիշերը հասաւ, մընացին այնտեղ :
 Ձէնով Օհանն էր, իր նեան ու աղեղ

պըրաւ գըլխուն տակ, հանգիստ խըռմփաց :
 Դաւիթը մընաց մտքի ծովն ինկած :
 Յանկարծ տեսաւ, որ մթապատ հեռուն
 կըրակ կը վառի անեղ, փայլիլուն :
 Այն լոյսը բռնած
 վեր ելաւ գընաց,
 գընաց ու գընաց, բարձրացաւ սար մը,
 բարձրացաւ տեսաւ մեծ մարմար քար մը,
 կէսէն պատռուած,
 ու մէջէն վառուած
 կը բրխի լոյսը պարզ քուլայ քուլայ,
 կ'ելէ ու կ'իջնէ ետ քարին վըրայ :
 Վար իջաւ Դաւիթ այնտեղէն կրկին,
 վար իջաւ կանչեց Ձէնով Օհանին :
 — Ե՛լ, հօրեղբայր, հերի՛ք նիրհես,
 պայծառ լոյսը, ե՛լ, մէ՛յ մը տես :
 Լոյս է իջեր բարձր սարին,
 բարձր սարին, մարմար քարին .
 ե՛լ, հօրեղբայր, անուշ նիրհէն,
 տես ի՞նչ լոյս կը բխի քարէն :
 Ելաւ խաշ քաշեց Օհանն երեսին :
 — Է՛յ, ո՛րդի, ըսաւ, մեռնիմ իր լոյսին,
 ան մեր Մարութայ սարն է գօրաւոր :
 Ան լոյսին տեղը կանգնած էր մէկ օր
 Սասմայ ապաւէն, Սասմայ պահապան,
 մեր սուրբ Տիրամօր վանքը Չարխափան :
 Մշտական, երբ որ կըռիւի կ'երթար,
 այնտեղ քաւ հայրըդ աղօթք կը կարդար :
 Քու հայրըդ մեռաւ, Աստուած խրոովեց,
 Մըսրայ թագաւոր զօրքեր ժողովեց,
 մեր վանքն ալ քանդեց այդ սարին վրայ,
 բայց դեռ սեղանէն լոյս կը բարձրանայ... :

Ժ

Դաւիթը, այս ալ երբ որ իմացաւ,
 — Ան՛ուշ հօրեղբայր, հօրեղբայր, ըսաւ,
 որք եմ ու անտէր աշխարհի վրայ,
 հայր չունիմ՝ դուն ինձ հայր եղի՛ր հիմա :
 Այլ չեմ իջներ ես Մարութի սարէն,
 մինչեւ չը շինեմ մեր վանքը նորէն :
 Քեզմէ կուգեմ ես հինգ հարիւր վարպետ,
 հինգ հազար բանուոր մըշակ անոնց հետ,
 որ գամ՝ այս շաբաթ բանին ժիրօրէն,
 առաջուան ձեւով մեր վանքը շինեն :
 Գնաց Օհանը ու բերաւ իր հետ
 հինգ հազար բանուոր, հինգ հարիւր վարպետ :
 Վարպետ ու բանուոր եկան կանգնեցին,
 չըրբիսկ հա թըրբիսկ, նորէն շինեցին,
 առաջուան կարգով, փառքով փառաւոր,
 բարձրը Մարութայ վանքը Տիրամօր :
 Յրուած միաբանք նորէն ետ եկան,
 նորէն թնգացին աղօթք, շարական .
 ու երբ ա՛յ շինեց հօր վանքը նորէն,
 վար իջաւ Դաւիթ Մարութայ սարէն :

ԺԱ

Համբաւը տարին Մըսրայ Մելիքին .
 — Հապա՛ չես ըսեր՝ Դաւիթը կրկին
 հօր վանքը շիներ, իշխան է գարձեր,
 դուն եօթը տարուան տուրքը չես գանձեր :
 Մելիք գայրացաւ :
 — Շո՛ւտ գացէք, ըսաւ,
 Բաղին, Կողբաղին,
 Սիւղին, Չարխաղին,

Սասմայ քար ու հող տակ վրայ ըրէ՛ք,
 իմ եօթը տարուան տուրքը ինձ բերէ՛ք :
 Քառսուն կոյս աղջիկ բերէ՛ք արմաղան,
 քառսուն կարճ կրնիկ, որ երկանք աղան,
 քառսուն ալ երկար, որ ուղտեր բառնան,
 իմ տանս ու դրոսն աղախին դառնան :
 Ու Կողբաղին առաւ զօրքեր .
 — Գլխո՛ւս վրայ, ըսաւ, ի՛մ տէր .
 կ'երթամ հիմա քանդել Սասուն,
 կ'իներ բերեմ քառսուն-քառսուն,
 քառսուն բեռով դեզին ոսկի,
 տեղը ջնջե՛մ հայոց ազգի :
 Ըսաւ, Մըսրայ աղջիկ ու կին
 պար բռնեցին ու երգեցին :
 — Մեր Կողբաղին գրնաց Սասուն,
 կ'իներ բերէ քառսուն-քառսուն,
 քառսուն բեռով ոսկի բերէ,
 մեր ճակատին շարան շարէ,
 կարմիր կովեր բերէ կրթան՝
 գարնան շինենք եղ ու չորթան :
 Ճա՛ն Կողբաղին, քաջ Կողբաղին,
 Սասմայ Դաւիթը փոեց գետին . . .
 Ու Կողբաղին փրքուած, ուռած,
 — Շնորհակալ եմ, քոյրե՛ր, գոռաց,
 համբերեցէ՛ք մինչեւ որ գամ,
 պիտի պարէք դուք ա՛յն անգամ . . . :

ԺԲ

Այսպէս երգով,
 զօրով-զօրքով
 երբ գոռ Կողբաղին ներս մըտաւ Սասուն,
 Օհանը լրսեց, կապուեցաւ լեզուն :

Աղ ու հացով,
լաց ու թացով
առաջն ելաւ,
խնդիրք ըրաւ .

— Ինչ որ կ'ուզես՝ առ տա՛ր, ամա՛ն ,
վարդ աղջիկներ, կիներ Սասման,
բեռ բեռ կապուած դեղին ոսկին,
միայն գրթա՛ մեր խեղճ ազգին,
մի՛ կոտորեր, մահ մի՛ տար մեզ,
վերը՝ Աստուած, վարը՝ դուն ես . . .
Ըսաւ, բերաւ շարան-շարան
վարդ աղջիկներ, կիներ Սասման :
Ու կողբադին ելաւ, ջոկեց,
մարագը դրաւ, դուռը փակեց,
քառսուն կոյս աղջիկ, սիրուն արմաղան,
քառսուն կարճ կրնիկ, որ երկանք ազան,
քառսուն ալ երկար, որ ուղտեր բառնան,
Մըսրայ Մելիքին աղախին դառնան,
դէզ-դէզ կիտեց դեղին ոսկին,
սեւ սուգ պատեց Հայոց ազգին :

ԺԳ

Հէյ, ո՛ւր ես, Դաւիթ, հայոց հրեշտակ,
քարը թող պատրուի՛, ել հրրապարակ:
Հօր քանդուած վանքը որ շինեց նորէն,
Դաւիթ վար իջաւ Մարութայ սարէն,
ժանգոտած, անկոթ շեղբիկ մը գրտաւ,
պառլին շողգամի արտին մէջ մըտաւ :
Պառսուն էր, եկաւ՝ անէ՛ծք աղեկէզ .
— Վա՛յ, խելա՛ն Դաւիթ, դուն ցաւս ուտես,
շողգամին տեղը՝ չոռ ուտես, ըսաւ,
աչքդ արեւին տակ մինակ ի՛նձ տեսաւ :

Կորեկըս ըրիր գետնին հաւասար,
աս էր մընացեր ձրմեռուան պաշար,
աս ալ կը կտրես,
ի՛նչպէս ապրիմ ես :
Եթէ կըտրի՛ճ ես, աղեղըդ ա՛ն, վագէ՛
քու հօրդ աշխարհքին տէրութիւն ըրէ՛
հօրդ գանձը կեր .
Թողեր ես անտէր,
Մըսրայ թագաւոր զրկեր՝ կը տանի :
— Ալ ի՛նչ ես ինձի բարկացեր, նա՛նի,
աղ ինչե՛ր կ'ըսես, չ'եմ հասկընար որ,
մեր ի՛նչը տանի Մըսրայ թագաւոր :
— Մըսրայ թագաւոր մեր ի՛նչը տանի,
Մըսրայ թագաւոր աչքըդ կը հանի,
դանդալօջ Դաւիթ . զրկեր է անա՛,
եկեր են Սասմայ քաղաքին վըրայ,
Բսողին, կողբադին,
Սիւղին, Չարխադին,
Սասունը ամբողջ կուտան թալանի,
իբրեւ տուրք կ'ուզեն քառսուն բեռ ոսկի,
քառսուն կոյս աղջիկ՝ սիրուն, արմաղան,
քառսուն կարճ կրնիկ, որ երկանք ազան,
քառսուն ալ երկար, որ ուղտեր բառնան,
Մըսրայ Մելիքի աղախին դառնան :
— Այ պառաւ, ալ ի՛նչ անէ՛ծք կը կարդաս
ո՛ր տեղը կ'ուզեն, ինձի ցոյց չը տա՛ս . . . :
— Ո՛ր տեղը կ'ուզեն . . . մահըս քեզ տանի՛ .
անանկ հօր ասանկ գաւակ կը լինի . . .
եկեր ես այստեղ շողգամ լափելու . . .
Կողբադին՝ ձեր տունն ոսկի՛ չափելու,
աղջիկներ ընտիր՝ մարագը թըխմած :
Դաւիթն ալ թողուց շողգամն ու գընաց :

Տեսաւ որ իրենց տան մէջ Կողբաղին
կը չափէ ոսկի՝ դիպուած իր առջին,
Միւզին, Չարխաղին պարկերն են բռնէր,
Չէնով Օհանն ալ վիզը խեղճ ծրոներ,
ձեռքերը ծոցին՝ կանգներ է հեռուն.
տեսաւ, աչքերը լեցուեցան արիւն.

— Ելի՛ր, դէ՛հ, հեռու կեցիր, Կողբաղին,
ես պէտք է չափեմ իմ հօրըս ոսկին:
Կողբաղին ըսաւ. — Է՛յ, Չէնով Օհան,
կուտամ՝ տո՛ւր հարկը այս եօթը տարուան,
թէ չէ՛ ես կ'երթամ, արեւըս վրկայ,
Մըսրայ Մելիքին կը պատմեմ, կուգայ,
ձեր Սասմայ երկիր քարուքանդ կ'ընէ,
տեղը կը հերկէ, կորեկ կը ցանէ:



— Գացէ՛ք, կորսուեցէ՛ք, դո՛ւք Մըսրայ շունե՛ր,

որտաց Դաւիթ, կարծես ամպ լինէր.
մեռա՞ծ կը կարծէք դուք մեզ, թէ ըստուեր,
Սասուն հարկի տա՞կ դընել էք եկեր...
Ըսաւ, չափն առաւ այնպէս մը նետեց,
որ Կողբաղինի գլուխը շարեց,
չափին փշրանքը պատն անցաւ, գընաց,
ու մինչ այսօր ալ գեռ կ'երթայ թըռած:
Ու ելան՝ դիպած ոսկին թողուցին,
Հայոց աշխարհէն խոյս տուին գացին
Բաղին, Կողբաղին,
Միւզին, Չարխաղին:

ՃԴ

— Վա՛յ, վա՛յ, հօրեղբայր, ի՛նչ բռեմ ես քեզ,
մենք ունինք այստեղ դեղին ոսկու դէզ,
դուն ըրեր ես զիս քաղաքին ծառան,
դուն թողեր ես զիս օտարին դրոան...
Հօրեղբայրն ըսաւ. — ա՛յ խենթ, խեղազար,
ոսկին պահեր եմ Մելիքին համար,
որ քաղցըր ըլլայ աչքը մեր վըրայ:
Չը տուիր՝ հիմա որ զօրքն առնէ գայ,
Սասմայ քար ու հող հեղեղէ տանի,
ո՞վ գէմը կ'երթայ և ո՞վ կը կուռի:
— Կեցի՛ր, հօրեղբայր, թո՛ղ գայ, ես կ'երթամ,
կ'երթամ ես իրեն պատասխան կուտամ:
Ու մութ մարագին դուռը խորտակեց,
փակուած աղջիկներն հանեց, արձակեց.
— Գացէ՛ք շուտ, ըսաւ, ազա՛տ ապրեցէ՛ք,
Սասունցի Դաւթին արե՛ւ խնդրեցէ՛ք:

ՃԵ

Այսպէս շարդուած, արիւնլուայ

փախան, ինկան հողը Մըսրայ
Բաղին, Կոզբաղին,
Միւղին, Չարխաղին:
Մըսրայ կիներ հեռուէն տեսան,
հեռուէն տեսան՝ ուրախացան,
կրտուրներուն ալ ծափ տրուին.
— Եկան, եկան, բերին, բերին...
մեր Կոզբաղին գընաց Սասուն,
կիներ բերաւ քառսուն-քառսուն,
կարմիր կովեր բերաւ կըթան,
գարնան շինենք եղ ու չորթան...»:
Երբ մօտեցան, նրկատեցին,
ծափ ու խնդում ընդհատեցին,
բըրբըջացին ու կանչեցին:
— Է՛յ, Կոզբաղին մեծաբերան,
այդ ո՞ր տեղէն լերան-լերան,
լերան-լերան կուգաս փախած,
հաստ գըլուխըդ կէսէն ճըղուած:
Չըսիր դուն որ կ'երթամ Սասուն,
կիներ բերեմ քառսուն-քառսուն,
քառսուն բեռով ոսկի հանեմ,
Հայոց երկիր աւեր ընեմ:
Գացիր Սասուն՝ գայլէն գազան,
ես կը դառնաս՝ շունէն վազան...
Ու Կոզբաղին խիստ բարկացաւ.
— Պապանձեցէ՛ք, լիրբեր, ըսաւ.
ձեր մարդիկն էք տեսեր դուք դեռ,
դուք չէք տեսեր Սասմայ ծըռեր:
Սասմայ ծըռեր լերան-լերան,
նետեր ունին մի-մի գերան.
Սասմայ երկիր քար ու կապան,
ղըժար սարեր, ձոր ու ծապան.

64140.64

անոնց խոտեր, ինչպէս կեռ թուր,
դօրք Չարդեցին երեք հարիւր...
Ըսաւ ու ալ չ'առաւ դադար.
շտապ-շտապ, գըլխապատառ
վազեց իրեն թագաւորին.
խընդացարքան իր աթուին:
— Ապրի՛ս, ապրի՛ս, քա՛ջ Կոզբաղին,
կ'արժէ կախեմ ես քու ճիտին
մեր արծիւի մեծ նըշանը՝
պարգեւ այդ մեծ յաղթութեանը:
Ո՞ւր են, հապա առաջքոս բե՛ր
Սասմայ ոսկին ու աղջիկներ:
Ըսաւ Մեթիք ու Կոզբաղին
խոնարհեցաւ մինչեւ գետին.
— Ապրած կենաս, մե՛ծ թագաւոր,
դօռով փախայ ես ճիաւոր,
ի՛նչպէս բերեմ Սասմայ ոսկին:
Խենթ մը ծընաւ Հայոց ազգին,
ո՛չ վախ գիտէ, ո՛չ տէր ու մեծ,
գըլուխս այսպէս դարկաւ, Չարդեց:
— Չեմ տար, ըսաւ, իմ հօր ոսկին,
չե՛մ տար կիներն իմ հայ ազգին,
Սասմայ երկիր ձեզ տեղ չը կայ...
Քու թագաւորդ, ըսաւ, թո՛ղ գայ,
եթէ կըրնայ ինձ հետ կուռի,
թէ կտրիճ է՛ բռնէ տանի:
Կատղեցաւ սաստիկ Մըսրայ թագաւոր.
Կանչեցէ՛ք, ըսաւ, իմ դօրքը բոլոր.
հազար հազար մարդ՝ նորելուկ մանուկ,
հազար հազար մարդ՝ անպելխ, անմօրուք,
հազար հազար մարդ՝ պելխը նոր ծըլած,
հազար հազար մարդ՝ նոր թախտէն ելած,



հազար հազար մարդ՝ թուխ մօրուքաւոր,
հազար հազար մարդ՝ ճերմակ, ալեւոր,
հազար հազար մարդ, որ փողեր հնչեն,
հազար հազար մարդ, որ թմբուկ վարեն...
կանչեցէ՛ք, թող զան, հագնին զէնք, զրրահ,
կռուի պիտ երթամ ես Դաւթի վրայ,
Սասունն աւերեմ,
հեղեղեմ, բերեմ:

ԺԶ

Այսպէս անհամար զօրքեր հաւաքեց,
եկաւ Սասնայ դաշտ բանակը սարքեց
ու ծանրը նստաւ Մըսրայ թագաւոր:
Այնքան անագին բազմութիւնն այն օր
Բաթմանայ ջրին եկաւ շոքեցաւ,
ով եկաւ, խմեց, գետը ցամքեցաւ,
Սասնայ քաղքին մէջ մնացին ծարաւ:
Չէնով Օհանին էարմանքը տարաւ:
Մուշտակն ունն առաւ, սարը բարձրացաւ,
սարը բարձրացաւ, տեսաւ, ինչ տեսաւ,
ճերմակ վրանէն դաշտն էր ճերմրկեր,
կարծես այն գիշեր ձմեռ էր եկեր,
սպիտակ ձիւնով պատեր էր Սասուն:
Լեզին ջուր դարձաւ, կապուեցաւ լեզուն,
աման կանչելով, փախաւ, տուն եկաւ:
— Վա՛յ, փախէ՛ք, եկաւ... հէ՛յ աման, եկա՛ւ...
— Ի՛նչը, հօրեղբայ՛ր, ի՛նչը, ի՛նչն եկաւ...
— Ցաւն ու կրրակը Դաւթի պինչն եկաւ.
Մըսրայ թագաւոր եկեր է, եկեր,
եկեր մեր դաշտը բանակ է վարկեր,
թիւ կայ աւտղերուն, թիւ չրկա՛յ զօրքին...
վա՛յ մեր արեւին, վա՛յ մեր աշխարհքին...

է՛կ տանինք ոսկին, աղջիկներ տանինք,
չոքենք իր առջեւ՝ լալով պաղատինք,
թերեւըս գրթայ,
մեզ սուրի չը տայ...
— Կեցի՛ր, հօրեղբայ՛ր, հող մի՛ ըներ դուն,
գնա՛, քու տեղը հանգիստ քաշէ քուն,
հիմա ես կ'ելլեմ, Սասնայ դաշտ կ'երթամ,
Մըսրայ Մելիքին պատասխան կուտամ:
Ու գրնաց Դաւթ ծանօթ պառաւին.
— Նանի՛ ջան, ըսաւ, ժանգոտած ու հին
ինչ ունիս չունիս, հաւաքէ՛ ինձ տո՛ւր,
էշ մըն ալ գրտիր որ վրրան հեծնեմ,
կրուի կ'երթամ Մըսրայ զօրքին դէմ:
— Վա՛յ Դաւթ, ըսաւ, մահըս տանի քեզ,
դո՛ւն պէտք է այն հօր զաւակը լինիս...
քու հայրդ ունէր կրուի համար
զրրահ շապիկ, ոսկի կամար,
անգին կապայ, հրրեղէն ձի,
աջ թեւին խաչ պատարագի,
կռռ սաղաւարտ, կայծակի-թուր,
խկ դուն կ'ուզես էշ ու շամփ՞ուր...
— Ամա՛ն, նանի՛, չեմ լրբած դեռ,
ո՛ւր են հիմա հօրըս զէնքեր:
— Հօրեղբօրդ գրնա՛ հարցուր.
ո՛ւր են, ըսէ՛, հանէ՛, բեր տո՛ւր.
խկ եթէ քեզ չը տայ սիրով,
աչքը հանէ՛, խլլէ գոռով:

ԺԷ

Դաւթ գրնաց հօրեղբօր մօտ:
— Է՛յ, հօրեղբայ՛ր, կանչեց ցաւկոտ,
իմ հայրս ունէր կռուի համար

զրրահ շապիկ, ոսկի կամար,
անգին կապայ, հրրեղէն ձի,
աջ թեւին՝ խաչ պատարագի,
կուռ սաղաւարտ, կայծակի-թուր,
կուտաս, բեր տուր...

— Վա՛յ, Դաւիթ ջան,
վախէն գոռաց Ձէնով Օհան,
հորը մահուան օրէն ի վեր
ձին ախոռէն գուրս չեմ հաներ,
ոչ մնտու կէն՝ թուր-կայծակին,
զրրահ շապիկը, ոսկի գօտին.
մի՛ սպաններ, զիս, խնայէ՛,
կուզես զընա՛, ինքդ հանէ՛:

ԺԸ

Հագաւ Դաւիթ զէնք ու զրրահ,
կապեց գօտին, թուր-կայծակին,
խաչն ալ իր յաղթ բազկին վրայ,
ելաւ հեծաւ առիւծ հօր ձին,
հօր ձին հեծաւ ու մրտրակեց.
Ձէնով Օհան լալով երգեց.

— Ափսո՛ս, հազար ափսոս հրրեղէն մեր ձին,
ա՛խ, հրրեղէն մեր ձին.

ափսո՛ս, հազար ափսո՛ս մեր ոսկի գօտին,
ա՛խ, մեր ոսկի գօտին.

ափսո՛ս թանկ կապան, որ հագաւ տարաւ,
ա՛խ, որ հագաւ տարաւ...

Դաւիթ բարկացաւ,
ձին քշեց, դարձաւ.
վախցաւ Օհանը,
փոխեց իր ձայնը.

«Ափսո՛ս, նորելուկ Դաւիթըս կորաւ,


ա՛խ, Դաւիթըս կորաւ»:

Այս որ իմացաւ,
Դաւիթ մեղմացաւ,
իջաւ Օհանի ձեռքը համբուրեց,
Ձէնով Օհանն ալ, որպէս հայր և մեծ,
օրհնեց, խրրատեց իրեն հայրաբար,
դէպի Սասմայ դաշտ դրրաւ ճանապարհ:

ԺԹ


Քեռի մը ունէր Դաւիթ Սասունցին,
անուէր թորոս, ահեղ մէկ հսկայ:
Սա ալ իմացաւ համբաւը կուռին,
բարդի մը՝ ուսին, ան ահա՛ կուգայ:
կուգայ ան հեռուէն բարձր գոռալով.
— Ի՞նչ եկեր էք դուք մէջը այս դաշտին,
քանի՞ գլխանի մարդ էք դուք կամ ո՞վ,
դուք որ չէք ճանչնար Դաւիթ Սասունցին...
Ի՞նչ, չէ՞ք իմանար որ ան այստեղ կա՛յ,
կա՛յ իր հրրեղէն ձիով թեւաւոր.
հեռացէ՛ք, հիմա ուր որ է կուգայ,
եկեր եմ մաքրել այստեղը այսօր:
Ըսաւ ու քաշեց իր ուսի բարդին,
սրբեց բանակէն քսան հատ վրրան...
Դաւիթն ալ ահա սարի գագաթին
կանգնած՝ կը գոռայ վիշապի նրման.
— Թէ քնացած էք՝ շուտ արթնցէք,
թէ արթուն էք՝ ելէք կեցէք,
թէ կեցեր էք՝ զէնք կապեցէք,
թէ զէնք ունիք՝ ձի թամբեցէք,
թէ թամբած էք՝ ելէք հեծէ՛ք,
ետքը չըսէք թէ մենք քնացած՝
Դաւիթ գող գող եկաւ գնաց...:

Այսպէս կանչեց, ասպանդակեց,
 ու, շանթերու պէս երկինքին,
 Մըսրայ գորքին դէմ հարուածեց,
 շողացնելով թուր-կայծակին:



Չարդեց, փշրեց մինչեւ կէսօր.
 կէսօր արիւնն եղաւ հեղեղ,
 քրշեց տարաւ հազարաւոր
 մարդ ու դիակ ողջ միասեղ:
 Զօրքերուն մէջ կար ալեւոր
 աշխարհք տեսած մարդ մը բանգէտ.
 — Տղա՛ք, ըսաւ, ճամբա՛յ տըւէք,
 երթամ խօսիմ ես Դաւթին հետ:
 Գնաց կեցաւ Դաւթի դիմաց,
 ա՛յսպէս ըսաւ մարդն այն ծերուկ:

— Դաւա՛ր մընայ ձեռքդ, ս՛վ քաջ,
 սուրբդ ձեռքիդ մէջ՝ միշտ կտրուկ:
 Ծերունուոյս խօսքն ըրէ՛ մըտիկ,
 քու խելքդդ ի՞նչ կը կտրէ, տե՛ս.



Ի՛նչ ըրեր են քեզ այս մարդիկ,
 ինչո՞ւ ասոնք դուն կը Չարդես:
 Ամէն մէկը մօր մը գաւակ,
 ամէն մէկը տան մը ճրրագ,
 որը կրնն է այնտեղ թողեր,
 աչքը՝ ճամբուն, խեղճ ու կրրակ,

որը՝ տուն մը լիք մանուկներ,
որը՝ ծնող աղքատ ու ծեր,
որը՝ լացով, քողն երեսին
նորապսակ ջառել հարսին...
Թագաւորը բռնի, թուրով
հաւաքեր է, այստեղ բերեր,
խեղճ մարդիկ ենք պակաս օրով,
մենք քեզ վրնաս ի՞նչ ենք ըրեր:
Թագաւորն է թշնամիդ միակ,
կրօն ունիս, ըրէ՛ իր հետ,
ի՞նչ կը քաշես քու թուր-կայծակ
ամբոխին դէմ խեղճ ու տգէտ:
— Աղէ՛կ ըսիր դուն, ծերուկ մարդ,
ըսաւ Դաւիթն ալեւորին,
բայց թագաւորը ո՞ւր է արդ,
որ վերջ տամ իր կեանքի օրին:
— Մեծ վրանին մէջ կը խոկայ,
վրանն ուրկէ ծուխ մը կ'երնէ.
Ծուխ ըսածըս ծուխ չէ՛ որ կայ,
իր բերանին գոյորշին է:
Ըսին՝ դէպի մեծ վրրանը
ասպանդակեց Դաւիթն արթուն,
քրչեց ձին, գնաց ու դրոսնը
գոռաց կանգնած արաբներուն:
— Ո՞ւր է, ըսաւ, ի՞նչ է կորեր,
դո՞ւրս կանչեցէք, գայ ասպարէզ,
թէ մահ չունի՛ մահ եմ բերեր,
գրրող չունի՛ գրրողն եմ ես...
— Մելիքն, ըսին, քուն է մտեր,
եօթը օր պէտք է քրնանայ.
դեռ երեք օր նոր է անցեր,
չորս օր կ'ուզէ որ արթննայ:
— Ի՞նչ, բերեր է աղքատ ու խեղճ
խալխը՝ թրխեր արիւնի ծով,

ինքը մրտեր վրանի մէջ
քուն կը քաշէ եօթ օր անխռով...:
Քուն-մուն ա՛լ չեմ հասկնար ես.
արթնցուցէք՝ գայ ասպարէզ,
քրնացընեմ՝ դինքը այնպէ՛ս,
որ չարթնայ մեծ հօրս պէս:
Ելան մարդիկ ճարահատած,
շամփուր դրրին վառ կրրակին
ու փակցուցին խոր մրափած
Մըրայ Մելիքի բաց կրրունկին:
— Օ՛Ք, ալ հանգիստ քուն չունի մարդ
անիծապարտ սա լուերէն.
խոր մընչեց հսկան հանգարտ,
ընկողմանած՝ նիրհեց նորէն:
Ելան բերին մեծ գուլթանի
խոփը դրրին վառ կրրակին,
ու կաս-կարմիր, կայծերով լի՛
շիկնած դրրին մերկ թիկունքին:
— Օ՛Ք, ալ հանգիստ քուն չունի մարդ
սա անիրաւ մեղեղներէն.
աչքը բացաւ հսկան հանգարտ,
կ'ուզէր որ ինք քնանար նորէն:
Տեսաւ Դաւիթն: Ու վեր առաւ
գլուխն անեղ, մընչելով,
փրչեց վրան որ վեր թոցնէ
քաջ Դաւիթը իր մէկ շունչով:
Տեսաւ՝ տեղէն չի շարժիր ան.
զարմանք ու ան պատեց հոգին.
արնոտ աչքերն ըսպառնական
յառեց խոժոռ Դաւիթի աչքին:
Հագիւ նայած՝ իր մէջ զգաց՝
տասը գոմշի ուժ պակսեցաւ:
Նստաւ այն տեղն ուր էր պառկած,

ժպտելով հետը խօսեցաւ :
— Բարո՛վ, Դաւիթ, յոգնած ես դեռ .
քիչ մը նստէ՛, խօսի՛նք կարգին,
յետոյ դարձեալ կըռիւ կ'ընենք,
եթէ կըռիւ ուզես կըկին . . .

Վըրանին մէջ բրոնակալը
քառսուն գաղ խոր հոր էր փորեր :
ցանցով ծածկեր մուծ բերանը,
վրան փափուկ գորգ էր փրօներ :
Ան՝ որուն չէր յաղթել կրցեր,
շողմեցով կանչեր ահա,
վըրանին մէջ կը նստեցնէր
այն կորուստի հորին վրայ :
Դաւիթ, ձիէն ալ վար իջած,
զընաց, նըստաւ . . . ինկաւ հորը :
— Հա՛, հա՛, հա՛, հա՛, քահ քահ խնդաց
Մըսրայ դաժան թագաւորը :
— Է՛հ, թող հիմա երթայ խաւար
հորին մէջը փրտի, մընայ :
Ու ահագին մէկ ջաղացքար
բերաւ, դըրաւ հորին վըրայ :

Ի

Ձէնով Օհանը քնացաւ այն գիշեր :
Իր երազին մէջ երեւցաւ այնպէս՝
թէ Մըսրայ երկինքն արեւ էր ծաթեր,
Սասմայ սարերն ալ պատած՝ ամպի դէզ :
Վեր թըռաւ տեղէն՝ սաստիկ սարսափած .
— Վա՛յ, կընի՛կ ըսաւ, շո՛ւտ ճըրագ մը բե՛ր,
անփորձ Դաւիթն ա՛լ մեր ձեռքէն զընաց,
Սասունի վըրայ սեւ ամպ է իջեր :
— Հողե՛մ գըլուխըդ, ըսաւ կընիկը,

ո՛վ գիտէ ան ուր քէֆ կ'ընէ, յիմա՛ր,
դուն ալ քեզ համար տունըդ քընացած՝
երազ կը տեսնես ուրիշի համար :
Քընացաւ Օհան : Նորէն արթնցաւ .
— Կընի՛կ, Դաւիթընեղ տեղն է ինկած,
Մըսրայ վառ աստղը կը շողար պայծառ,
մեր աստղն էր հիւանդ ցոլքով դալկացած :
— Ի՞նչ եղաւ . քեզ, մա՛րդ, գիշերուան կէսին,
բարկացաւ իր դէմ կընիկն աղմուկով .
Օհան խաչ հանեց նորէն երեսին .
նորէն, քնացաւ խրոոված հողուով :
Ուրիշ պատկեր մը աւելի ահեղ .
տեսաւ երկինքին կամարին վերեւ
կը վառի Մըսրայ աստղը փառահեղ,
մուծին մէջ սուզուած՝ Սասմայ աստղը սեւ :
Արթնցաւ վախցած : — «Տունդ քանդուի, կի՛ն,
ի՛նչպէս միտ գըրի քու այդ կարճ խելքին .
կորաւ միտ մինակ մեր աղան անտէր,
ելի՛ր շո՛ւտ ըրէ, զէնքերս հեղ մը բե՛ր . . . » :

ԻԱ

Ելաւ Օհան, գոմը մըտաւ,
դարկաւ ճերմակ ձիուն մէջքին .
— Է՛յ ճերմակ ձի, մինչ ե՞րբ, ըսաւ,
կը հասցընես Դաւիթի կուռին :
— Մինչեւ լուսը կը հասցընեմ .
ու ձին դպցուց փորը գեանին :
— Մէջքդ կոտորի՛, լուսն ի՞նչ ընեմ,
զիակի՞ն հասնիմ մեր Դաւիթին :
Կարմիր ձիուն մէջքին պարկաւ .
սա ալ փորը դպցուց գեանին :
— Ճան, կարմիր ձի, մինչ ե՞րբ իրաւ

կը հասցնես զիս Դաւթի կոռւին :
 — Մէկ ժամուան մէջ, կարմիրն ըսաւ,
 կը հասցընես Դաւթի կոռւին :
 — Լեղի՛ դառնա՛յ, սև մահ ու ցաւ,
 ինչ որ տո՛ւի քեզ, — աղն ու գարին :
 Կարգը եկաւ, սևին հասաւ.
 գետին չը դրաւ փորը՝ սև ձին :
 — Է՛յ, ջա՛ն Սևուկ, մինչ ե՛րբ, ըսաւ,
 կը հասցընես Դաւթի կոռւին :
 — Եթէ ամուր՝ մէջքիս մընաս,
 ոտքըդ դընես ասպանդակին,
 մինչև մէկալ ոտքիդ շարժ տաս,
 կը հասցընես, ըսաւ սև ձին :

ԻԲ

Սև ձին քաշեց Ձէնով Օհան,
 ձախը դըրաւ ասպանդակին,
 աջն ալ մինչև շարժեց վըրան՝
 ելաւ Սասմայ սարի գլխին :
 Տեսաւ Դաւթի նըժոյգն անտէր
 սարերն ինկած խըրխընջալով,
 վարն ալ՝ Մըսրայ գօրքը չոքած,
 ինչպէս անձիր ծըփուն մէկ ծով :
 Եօթը գոմշի կաշի հագաւ,
 որպէս զի ինք անխոց մընայ.
 ամպի նըման՝ Օհան ելաւ
 գոռաց սարի վերէն Սասմայ :
 — Դաւթ թ, գոռաց, ո՞րտեղ ես, ո՞ր :
 յիշէ՛ խաչը քու աջ թևի,
 տո՛ւր անունը սուրբ Տիրամօր,
 դո՛ւրս ել աշխարհ, լոյսն արևի՛ . . . :
 Չայնն ահագոտ, որ կը սարսէ,

լըսեց Դաւթին հորին խորէն .
 — Հայ-հայ, ըսաւ, հօրեղբայրս է,
 ինձ կը գոռայ Սասմայ սարէն :
 Ռ՛վ Մարութայ Աստուածածին,
 գօրաւոր խաչ պատարագին,
 ձե՛զ կը կանչեմ, հասէ՛ք Դաւթին . . .
 Կանչեց, տեղէն ելաւ ոտքի .
 այնպէս զարկաւ Չաղացքարին,
 որ քարն եղաւ հագար կըտոր,
 կըտորները երկինք թըռան,
 եւ կը թըռին մինչև այսօր :
 Նորէն ահեղ կանգնեցաւ վեր .
 վախը առաւ դև Մելիքին .
 — Դաւթ թ եղբայր, հոս եկուր դեռ,
 սեղան նստինք, խօսինք կարգին . . . :
 — Ա՛լ չեմ նստիր ես քու հացիդ,
 ո՛վ տըմարդի, վախկոտ ու նենգ .
 շո՛ւտ դէնքըդ ա՛ն նստէ քու ձիդ,
 ե՛լ ասպարէզ, կըռիւ ընենք :
 — Կըռիւ ընե՛նք, ըսաւ Մելիք,
 առաջին զարկն ի՛մս է միայն :
 — Քո՛ւկդ է, դէ՛. զա՛րկ, կանչեց Դաւթիթ,
 գընաց կեցաւ դաշտին վըրան :
 Շուտ կանգնեցաւ Մըսրայ Մելիք,
 իր գունդն առաւ, հեծաւ իր ձին,
 քըշեց, գընաց Տիարպէքիր,
 ու այնտեղէն եկաւ կրկին :
 Կը կշռէր լիզը երեք հագար
 հսկայական իր մըկունդը .
 եկաւ, զարկաւ փոշեպարար,
 ու երերաց երկրագունդը :
 Երկիր փըլաւ կամ շարժ եղաւ,
 ըսին մարդիկը շատ տեղեր :

— Չէ՛, ըսին, լոկ արեան ծարաւ
հսկաներն են իրար բաղխեր :
Մեռաւ Դաւիթ այս մէկ զարկէն,
ըսաւ Մելիք իր բանակին :
— Կենդանի՛ եմ, ամպի տակէն
գոռաց Դաւիթ Մսրայ Մելիքին :
— Հայ-հայ, մօտիկ տեղէն եկայ,
տե՛ս, ո՛րտեղէն հիմա կուգամ .
ու կանգնեցաւ, ելաւ հսկան ,
իւր ձին հեծաւ երկրորդ անգամ :
Երկրորդ անգամ Հալէպ քրջեց
ու արձակեց ձին Հալէպէն .
տեղատարափ, բուք ելաւ մեծ,
արար-աշխարհ զողաց թափէն :
Եկաւ զարկաւ, զարկին ձայնէն
մօտի մարդիկ համակ խուլցան :
— Գրնայ Դաւիթ Սասմայ տունէն,
գուժեց գոռոյ Մսրայ արքան :
— Կենդանի՛ եմ, կանչեց Դաւիթ,
դ՛է, անգամ ս՛այ, կարգն ինձ հասաւ :
— Հայ-հայ, մօտիկ տեղէն եկայ .
կանչեց Մելիք ու կանգնեցաւ :
Երրորդ անգամ հեծաւ իր ձին,
գրնաց մինչև հողը Մսրայ,
ու այն տեղէն, գունդը՝ ձեռքին,
քրջեց եկաւ Դաւիթի վրայ :
Եկաւ զարկաւ բոլոր ուժով,
ծանրը զարկով հսկայական,
փոշին ելաւ Սասմայ դաշտէն,
ծածկեց երեսն արեգական :
Երեք գիշեր ու երեք օր
փոշին ելաւ ամպի նրման,
երեք գիշեր ու երեք օր
բօթը տըւին Դաւիթի մահուան :
Երբ որ անցաւ երեք օրը,

ամպանրման փոշին ծոց՝
որպէս մշտա Գրգուռ սարը՝
վեր կանգնեցաւ Դաւիթ անխոց :
— Կարգն որո՛ւնն է, Մելի՛ք, ըսաւ :
Մարտափ պատեց գոռ Մելիքին .
մահուան դողով սիրտը փրլաւ,
խրոովեցաւ գոռոյ հոգին :
Գրնաց խորունկ հոր մը փորեց,
իջաւ, մըտաւ վիհն այն խաւար,
քառասուն կաշի վրբան քաշեց
ու քառասուն ջաղացքի քար :
Մըռնչելով ելաւ տեղէն
այն Առիւծի առիւծ որդին ,
իւր ձին հեծաւ ու փոթորկեց .
շաղոց շեղբը թուր-կայծակին :
Յառաջ վագեց մագերն արձակ
ջատուկ պառու մայրը Մելիք .
— Դաւիթ, մագերս ա՛ն ոտքիդ տակ,
այդ մէկ զարկը բաշխէ՛ ինձի :
Երկրորդ անգամ թուրը քաշեց,
Այս անգամ ալ եկաւ քոյրը .
— Դաւիթ, եթէ կ՛ուզես, կանչեց,
իմ սրտիս զա՛րկ երկրորդ թուրը . . .
Վերջին զարկի ժամը հասաւ,
ելաւ Դաւիթ երրորդ անգամ,
— Այս մէկ զարկն ու Աստուած, ըսաւ,
մարդ չը մօտի, պէտք է որ տա՛մ :
Ըսաւ, ելաւ ու փոթորկեց,
թրուաւ, ցոլաց Դաւիթի ձին հուր,
ձին փոթորկեց, փայլատակեց
ու զարկաւ իր կայծակէ թուր :
Անցաւ քառասուն գոմշի կաշին,
անցաւ քառասուն քարերէն՝ ցած,
մէջքէն կտրեց ժանտ հրէշին,
եօթը գազ ալ անդին գրնաց :

— Կենդանի եմ, անգամ մըն ալ,
զոռաց Մելիք հորին տակէն:
Դաւիթ լսեց, շա՛տ զարմացաւ
իր զարկէն, իր թուր-կայծակէն...
Մելիք, թոթուէ ինքզինքդ, ըսաւ:
Եւ Մելիքը թոթուըեցաւ,
մէջքէն եղաւ երկու կտոր,
մահը տարաւ օրը անոր:
Այս որ տեսաւ Մըսրայբանակ,
ջուր կտրեցաւ ան ու վախէն.
Դաւիթ կանչեց.— Այ մի՛ վախնաք,
ականջ դըրէք դուք ինձ մօտէն:
Դուք հողագործ մարդիկ, ըսաւ,
գուրկ ու քաղցած, մերկ, անօքիկ,
հազար ու մէկ կրրակ ու ցաւ,
հազար ու մէկ հոգեր ունիք:
Ի՞նչ էք առեր նետ ու աղեղ,
եկեր թափել օտար դաշտեր.
չէ՞ որ մենք ալ ունինք տուն տեղ,
մենք ալ ունինք մանուկ ու ծեր...:
Չանձրացե՞ր էք խաղաղ ու հաշտ
հողագործի օր ու կեանքէն,
թէ գրգռեր էք ձեր հանդ ու դաշտ,
ձեր հունձ ու փունջ վարուցանքէն...
Դարձէք ձեր եկած ճամբայով
ձեր հայրենի հողը Մըսրայ.
բայց թէ հեղ մ'ալ գէնքով, գօռով
յարձակիք մեր երկրին վրայ,
հորերու մէջ՝ քառսուն գազ խոր,
թէ ջաղացքի քարերու տակ
ըլլաք, ձեր գէմ, ինչպէս այսօր,
կ'ելլեն Դաւիթ և թուր-կայծակ:
Այն ժամանակ, ո՛վ կը լինի,
— Աստուած գիտէ— միա՛կ զղջացող.
մե՞նք որ կ'ելլենք անեղ մարտի,
թէ դուք որ մեզ արեւը զոռիս:

ԱՅՍ ԷՁԸ
ՅԱՏԿԱՅՈՒԱԾ Է
ՅԱՅՏԱՐԱՐՈՒԹԵԱՆՅ



97

„Մ Ա Ս Ի Ս“

ՌՈՒՄԱՆԱՀԱՅ ՀՐԱՏԱՐԱԿՁԱԿԱՆ ԱՆԱՆՈՒՆ ԸՆԿԵՐՈՒԹԻՒՆ

ԴՐԱՄԱԳԼՈՒԽ ԼԷՑ 500,000

Պուրբէշ, B-dul Maria, Nr. 8

Ընկերութիւնս ամէն ամսու 15-ին և 30-ին հրատարակ կը հանէ մէկ մէկ գիրք 32 էջէ բաղկացեալ:

1 ՈՅՍ ՏԵՍԱՄ Է

Թիւ 1 գրքոյդ՝ Տէրն ու ծառան եւ ուրիշ պատմուածքներ

ՄԱՄՈՒԼԻ ՏԱԿ ԵՆ

- Քէֆ ընողին քէֆ չի պակսիր
- Մըջիւնները
- Տորք Անգեղ
- Ասիւծի Տղան
- Արեգնազան
- Ռէյնիկէ Աղուէսը
- Գրիմ եղբայրներու հէքեաթները ևն, ևն.

ՔԱՂՈՒԱԾՆԵՐ ԸՆԿԵՐՈՒԹԵԱՆ ՀԻՄՆԱԿԱՆ ԿԱՆՈՆԱԳՐԷՆ

Յօդ. 7. — Հրատարակել հայ տղոց և պատանիներու համար հայերէն դասագրքեր, գրական գործեր և հանդէսներ. տարածել հայ հասարակութեան խաւերուն մէջ արևմտեան մշակոյթը, ինչպէս նաև ծանօթացնել օտարներուն հայ մշակոյթը:

Հաստատել յատուկ մրցանակ՝ ընկերութեան շահին մէկ մասովը, բաշխելիւ համար արժէքաւոր գրական գործերը: